

3-2017
29074

September
2015



Vol VI No. 7

KRISTIAN THALAI

KRISTA
TANA
DANGLAM
NGAM

Kristian Ṭhalai Pāwl Chanchinbu thla tin chhuak



I LOVE TAIWAN/ EYEP MISSION 2015



ship
000

Kristian Ṭhalai Pawl chanchinbu thla tin chhuak

1970-a chhuah ṭan ■ Kum 45-naa vawi 9-na ■ Chhuah tawh zat : 443

Editor :

Lalmuanpuia

Joint Editors:

C. Laldingliana

Upa K. Rorelkima

V. Lalrinmawia

Vanlalpeka

Manager :

R. Lalramnghaka

A lak man :

Kum khatah - Rs. 60.00

Copy khat - Rs. 5.00

*Thu chhuah tūr nei chuan Editor,
Kristian Ṭhalai, Synod Office-ah thawn
tūr a ni a; a la duh chuan KṬP Office-ah a
man pēk lāwk a ngai.*

Office Phone : 9436142398

E-Mail :

kristianthalai@yahoo.com

centralktp@gmail.com

KRISTIAN ṬHALAI PAWL

Thupui

Rawngbawl tūra chhandam

Thupui innghahna

Ephesi 2:10 Thil ṭha ti atán
Krista Isuaah chuan siama awmin,
ama kutchhuak kan ni si a, chu thil
ṭha tih chu kan awmna tūrin
Pathianin a buatsaih lāwk a ni.

Thiltumte

1. Isua Krista rinna leh amah anna
kawnga ṭhalaite hruai.
2. Kohhran kutke ni tura ṭhalaite
buatsaih.
3. Kohhran hnathawh tihputlin.
4. Krista Chanchin Ṭha puan
darh.

A CHHUNGA THU AWM

1. Editorial	2
2. I dam chhung hun Isua nen	3
3. Mosia'n full mark a hmu	6
4. I Love Taiwan Mission 2015	8
5. NEICCYA Conference-ah ka tel ve a	12
6. Tu nge ka kawppui awm mi chu?	15
7. Kan ram hi engtin zel?	19
8. Sunna	21
9. Hringlang tlang	24
10. Kantu – Lengpui Model Branch	27
11. Keimahni	29



Pathian tan

Lal Isua khawvela a lo kal lai khan damlo tam takin an pan a – khawvik te, ramhuai pai te leh natna hrang hranga naten an pan a, a lo tidam thin. Khatia damlo tam takin damna beiseia an pan lai khan Isua khan kalsanin tlangah te a lawnsan tih Marka ziakah te kan hmu a. Hei hi hriat thiam mai a har thinin ka hria a.

Lal Isuan mamawhtu an awm lai taka a han kalsan kha....'engati nge a kalsan aw...tidam phawt mai se,' tiin a ngaihtuah theih khawp mai. Lal Isuan a sawi chu, tlanga a lawn khan a thawngtai thin a ni tih kan hmu bawk a. He khawvela a len lai khan a ngaih pawimaroh ber chu a Pa nena an inzawmna tihthat, a Pa nena inpawl kha a ni thin a ni. Damlote khan an mamawh tehmeuh mai a; ama'rawhchu, Isua nun atanga kan hmuh chu, a Pa nena an inzawmna, a Pa nena an inpawlna tibahlah thei tur kha chuan eng mah kha indaltir a phal lo a ni. Damlote pawh a khawngaih lo lam ni lovin, a kalsan a, tlangah a lawnsan a, a Pa nen an inpawl a, a Pa hnena thawngtai turin tlangah a lawnsan thin a ni tih kan hmu a ni.

Tunlai khawvelah hian Lal Isua aia hmangaih leh ngaih pawimaroh hmasak hi kan ngah hle mai em? In leh lo thate kan duh khawp mai a, that pawh a tha a; amaherawhchu, heng kan thil neih thatte, kan dinhmun thatnate hi Isua nena kan inzawmna tihtatu nge tidaltu tih hi ngaihtuah tham tak chu a ni. Chu vang chuan sum leh pai leh dinhmun sang te, in leh lo tha te, dinhmun tha kan chelh te hi Isua nen kan inzawmna tihta lehzualtu a nih chuan a tan rimtui a ni ang a; amaherawhchu, amah kan hlatna, amah kan theihngihlna hmanrua a nih chuan a tan chuan rimchhia, thil tha lo a ni dawn a ni. Pathian chawimawi nan kan thiamna leh finna, kan theihna leh kan thil neihte i hmang zel ang u.

...mite hmaa mi tan apiang, ka Pa vana mi hmaah ka tan ve ang....mite hmaa mi phat apiang, ka Pa vana mi hmaah ka phat ve ang (Matthaia 10:32,33).



I DAM CHHUNG HUN ISUA NEN

— J. Rokamlova
Champhai Venglai

*"Kan dam chhung nite chhiar
dan tur min zirtir ang che,
Finna thinlung kan neih phah
hialna turin" (Sam 90:12).*

Kan châng thlan Sam 90-na hi "Hun" hnuaia lêng mihringin Pathian a dawrna thu a ni a. Israel lal ropui Davida chuan, "Ka hunte chu i kutah a awm a," (Sam 31:15) a lo ti a. He thu kam khat chauh pawh hi ngaihtuah chian hi chuan, mihringten hun kan hman duhdah dan rilruah a lo lang thîn. Hun hi Pathian kuta awm tak meuh a ni a; hun pumpui chu Chatuan chu a ni. Chu chatuan them chu mihringin kan lo chang ve a, chu chu "Kan dam chhung ni," kan tih chu a ni. Kan dam chhung ni chhût nan kum te, thla te, chawlhkar te, ni te, darkar te, minute leh second ti tein kan sawi a. Chumi mil chuan khawsak kan rel a, kan

hun hman dan tur ruahmanna te kan siam a. Chung kan hun tawi tê kan hman dan chu kan nun hlut leh hlut loh teh nan kan hmang thîn a nih hi! Hun hlutzia hmu fiahtu Piderwiskey chuan –

*"Minute khat chauh ka nei,
Chutah chuan second 60 a awm;
Hnar theih lohva pêk ka ni,
Ka duh leh ka thlan pawh a ni lo;
Chu minute khat lekah chuan
chatuan a awm," tiin.*

Unau duh tak, he hla châng khat lek hian hun hlutzia a tilangin, chhui zui tham a awm. Khai aw, kan lei nun hi chu 'Chatuan' chhungah chuan Simeikhu angin a lo lang zawk a. A rei ber pawh chatuan reizia ațanga teh chuan 'mit khap kâr' pawh tling lo ang lek a ni. Chumi kan dam chhung hun tawi tê kan hman dan

chuan chatuana kan awm dan tur a hril theih si avangin, chumi hman dan tha hria chu Sam ziaktu chuan fingah ngaiin, "Kan dam chhung nite chhiar dan tur min zirtir ang che, finna thinslung kan neih phah hialna turin," tiin a lo sawi a ni.

Aw le, he lai Sam 90:12 thu hi Bible lehlin tharah chuan, "Kan dam chhung ni tlêmzia min zirtir la, kan lo fin zâwk theih nan," tiin an dah ta thung a. A awmzia hriat thiam a awl deuh mahna. Unaute u, Pathian pawh ngaihsak hman lo, mahni hamthatna tur chauh ngaihtuah a, kohhran inkhawm dar ri pawh ngaihsak lo leh, inkhawmna leh kohhran inpawl hona hmun dangte pawha tel châkna rêng nei lo, a hming maia Kristian nih duh tâwkte mualphona ni a lo la her chhuak ngei dawn. Chutih hunah chuan inchhirin awmzia a nei tawh lo vang a; "A tlai lu ta!" tih chu kan harh chhuahna tur awm chhun a ni ang a. Chumi piahsam lam chu kan kal hlenna

tur 'Chatuan' a ni vung vung tawh mai dawn si a.

Unau duh tak, he kan khualzinna ram kum rei lo têah hian kan duhthlanna leh kan hunte hi Lalpa pawl nan hmang ila; Isuan, "Keimah hi kawng leh thutak leh nunna ka ni, keimaha kal lo chu tu mah Pa hnenah an thleng ngai lo," (Jn. 14:6) a tih hre rengin, i dam chhung hun Isua nen hmang rawh.

Kan Lal Isua hi, amah ngeiin a dam laia a sawi angin, a lo kal leh ngei dawn a. A lo kal leh huna i tih duh loh tur chu tunah ti lo la; chutiangingin, Isua lo kal huna i sawi duh loh tur chu tunah sawi lo la; chutiang zelin, Isua lo kal huna i awm duh lohna turah chuan tunah awm duh suh.

Tuna i ngaihhlut leh i awh êm êma zuang lut turin i luh dan tur ringawt ngaihtuah lo la, i chhuah leh dan tur pawh ngaihtuah tel rawh. Tuna i thil tih mêk kha nakin lawka i inchhir lehna tur a ni thei ang em tih

ngaihtuah la. Mahni hlimna chauh ngaituah mi chuan a lungngaihna tur pawh a insiam tel nghal a ni.

Isua len ve lohna hmuna hlawhtlingte an hlim rei ngai lo. Sum ringawta hlimna zawngten hlimna an hmu rei lo. Thufingte 20:21 thu chuan, “Sum hi a tirah deh chhuah thuai theih mah sela, a tawpah malsawm a ni kher lo vang,” tih thu min hrilh. Tin, Thufingte 10:22 thu pawhin,

“Lalpa malsawmna chuan a tihausa thin a, lungngaihna a belhchhah ve lo,” tiin min hrilh baw. Hlimna dik chu Isuaah chauh a awm si a. Eng hlimin nge i hlim a, eng ang hausaknain nge i hausak a, tuin nge i nun hruai thin che? I nunah tu nge lal ber? Nun hlimna dik tak chu, ‘Dam chhung hun Isua nena hman,’ hi a ni si a.

Lalpan a thu malsawm rawh se. Amen.



SYNOD CAMPUS MINISTRY

(Zirlai/Zirtirtu te nun kawng hrang hranga harsatna neite tanpuitu)

I nunah harsatna i nei em? In chhungkua leh chenpuiteah harsatna i tawh em? I zirlaiah harsatna i nei em? I tun hma nun hman dik loh khan a la tibuai fo thin che em? I kawppui/Ngaihzawng lakah harsatna i nei em? Eng kawngah pawh harsatna i neih chuan Synod Campus Ministry Helpline number 9856883377-ah hian emaw, Director No. 9436153801-ah emaw sms, call, whatsapp hmangin rawn thlen rawh le. Counselling mamawh tan eng tik lai pawhin pan theih reng kan ni a. Nangmah tanpui turin eng tik lai pawhin kan awm renga.

Synod Campus Ministry hi school atanga university zirlai leh zirtirtute tana rawngbawl a ni a, nun kaihhruaina leh zirna tihmasawna, career guidance te, rinna nun puitling nei tura kaihrui turin retreat, seminar, workshop, consultation, Bible study, teachers' refresher course, etc. school, institutions leh hmun dangah an neihpui thei reng a, a duh tan sawm theih reng a ni baw. Email: campusministry123@gmail.com

— Rev. Lalchungnunga, Director
Synod Campus Ministry, Synod Office

Mosia'n full mark a hmu

– Hrangluaia –

Thuampui Veng, Aizawl



lan dan chuan Pharaoa fanu laka Thlarau Thianghlim hrin a ni. Aigupta hausakna neitu leh Pharaoa lallukhum khumtu tura serh hran a ni. Mahse, an awmpui-nu Israel mi Jokebedi hnenah chuan zirlai pawimawh tak a zir a. Awmpuinu nua neih theihna nun te, Pathian thu awih dan te, hnam hmangaih-na te, zaidamna leh tuarchhel-na te zirin letter a hmu a.

Aigupta lalber ni tura zir leh thiam ÷ul zawng zawng:

Lehkha zir lam te, ram awp dan te, thubuai rem dan te, ral do dan leh huaisenna lama duhsakna sikul ÷ha bikah zirin letter a hmu leh.

An chhiahhlawh Israel-ho nunah hmangaihna nun a zir leh:

Lal in nuam taka nuam tin chena awm ai chuan bawihho

hnena hna hram thawh a thlang. A lakah bawlhhlawh leh tenawm, dum leh diakin awmzia a nei lo. A fawm ÷awp sawt hle! Tar leh hmeichhe chak lo bulah a bung chat zel. Taimakna leh tlawmngaihna nun a zir chhuak a, letter a hmu leh ta.

Aigupta nula hmel÷ha thlan chhuah, Pharaoa fanu ni bawc chuan, lal tupa ni si, hmel÷ha si, thiamna chi tinreng zir chhuak tawh si, pa (man) si, chak si, fing si, lallukhum khum chauh hmabak tawh si chu a hmangaih a. Mahse, Mosia chu lal rilru pu lovin bawih rilru pua vawc ang maia chirha a tal vel ÷hin chu pawh a ti lutuk! A ui top! Runthlak tiin a tuar thei ngang lo. Lal tupa rilru kal sual thawi damna atan a finna, a thiamna, a mawina, a ngaihnoheina, a itawmna, a mittui leh ÷awng hmang thiam zawng zawng sawm khawmin thawi dama zawl thluk a tum. Pui ÷iah ÷iah tak a ni. Mahse, a hneh lo! A nghing eih lo. Subject palina pawh letter-in a pass leh ta.

Subject har tak mai a hmachhawn leh:

A laichin, sualna nei lo, hrem tuar mek chu a lainat lutuk! A en mai mai thei lo. A chhan. Tiduhdahtu chu a tihlum. Pathian aw ngaichang lovin a thinurna sosang a bawh tlang. A kut a rang deuh. Mahse, Pathian hnam thlan a hmangaih dan leh sual a huatzia chu tualthah-nain a lantir. Thian chhan thih ngam a nun chhuahpui. Huaisenna lama chawimawina nopui dawm tlak ni turin a zir chhuak, letter bawkin a pass leh.

Lal ni thei tura zirna sang a zir zawh hnu chuan thlaler ram reh lamah subject dang a zir leh:

Thlaler ram rovah beram rual khalh dan a zir. A pa (chal) indo thelh dan te, a chhangchheho dawm thiam dan te, a chhiaṭha pawl tuamhlawm dan te, a chak lo pawl kaihhruai dan te, chaw leh tui ṭhatnaa hrui leh hmelm laka venhim dan te a zir a, letter a hmu leh.

Letter paruk a hmu tawh a, khawvel tehna chuan a tling tawk ta hle! Mahse, van lam letter a la bak. A beram vennaah chuan ni tinin thingkung ro ri re a hmu ṭhin. Ni a sat zual changin bik nan a hman. Pathian hmuh phah nan a hman chuang hlei lo. Mahse, thing naranah Pathian a lo awm chuan thing danglam leh mak takah a chang a. A nuna thusawitu ropui ber a lo ni ta! Thlaler thingkung awm chhun, khawro tak, Pathianin a luah avanga a ropui theih dan a zir aṭang chuan, amah pawh chu mi naran leh dangawk mai ni mah sela, a hnena Pathian awm chuan timawiin, thiltih-theihna ropui taka thuam a nih turzia a inhre chhuak a. Full mark a hmu ta! "Chhura hrang e, a sial lam tur!" tih ang mai khan, tawhlhlohpuan **nawihlawh** chungin Aigupta bawiha tâng a chipuite lam turin a pen chhuak thei ta a ni!

I Love Taiwan/EYEP Mission 2015

– Tv. Lalduhpuia Sailo
Electric Veng Branch, Aizawl

Pathian khawngaihna leh kaihhruaina avangin *I Love Taiwan Mission leh Ecumenical Youth Exchange Programme (EYEP) 2015* chu Presbyterian Church of India, Mizoram Synod aiawhin Central Kristian Thalai Pawl (CKTP), Mizorama kan hruaitute nen Taiwan ramah kan han hmang leh thei hi a ropuiin a lawmawm takzet a ni. He hun hmang tur hian Mizoram atangin mi pali – T.Upa R. Lalramnghaka, Finance Secretary, CKTP; T.Upa Richard B. Lalhriatpuia Bawitlung, Comt. Member, CKTP; Tv. Lalduhpuia Sailo, Electric Veng Branch, Aizawl leh Tv. Samuela Sailo, Ramhlun Venglai Branch, Aizawlte kan han tel ve a ni.

I Love Taiwan Mission (ILT) leh Ecumenical Youth Exchange Program (EYEP) 2015

ILT-in a tum ber chu – (1) Taiwan kohhran hrang hrang, kohhran mipui leh an culture chungchang, leh Taiwan Kristian thalaite rawngbawlna, ram dang Kristian thalaite hriattir te, (2) Ram dang Kristian thalaite leh Taiwan Kristian thalaite leh kohhran inthian thatna siam te, (3) Taiwan khawtlang leh evangelism rawngbawlnaa ram dang Kristian thalaite teltira, leadership zir ho te leh, (4) Taiwan kohhran rawngbawlnaa ram dang Kristian thalaite teltir te a ni.

ILT programme-ah chuan ram hrang hrang atanga kal khawmte kha Taiwan thalaite nen group khatah mi 4-6 vel zel insiamin, group khatin kohhran pakhat zel tlawhin youth summer camp-ah te, khawtlang thilah te, church worship-ah te leh thil dang

dangah chawlhkar khat chhung vel kan va tel ve a.

EYEP erawh hi chu tlemin a dang deuh va, tum khatah Taiwan thalaite leh ram dang thalaite, ram pakhat atanga kal chauhvinn youth exchange programme hman a ni thung a. Tichuan, EYEP group chu tum khatah group khat chauh a awm thei a ni. ILT programme-a mi ang hi tih ve vek a ni a; amaherawhchu, EYEP group chuan kohhran hrang hrang leh hmun hrang hrang an tlawh thin thung.

Keini Mizoram atanga kalte chuan vanneithlak takin ILT leh EYEP programme hi kan han hman kawp ta a ni. June 29, 2015 khan Aizawl atangin Kolkata kan pan a, Mizoram Synod House-ah kan riak a, June ni 30 zanah Kolkata Airport atangin kan chhuak a, a tuk



July ni 1-ah Taiwan Taoyuan International Airport chu kan thleng a, Airport-ah Taiwan Kristian thalaiten min lo hmuak a. Airport atang chuan kan riahna tur Tamkang Senior High, Taipei (Taiwan khawpui) min panpui nghal a. Kan va thlen chuan ILT-a tel tur thalai rual ram hrang hrang atanga lo kal hi an lo awm tawh a, mi dang an lo thlen belh ve zel bawk a. ILT programme hman tur hian ram hrang hrang 18 atangin thalai kan kal khawm a, chungte chu Canada, Germany, Guyana, Hongkong, India, Japan, Kiribati, Korea, Malawi, Malaysia, New Zealand, Samoa, Scotland, Singapore, South Africa, Thailand, United Kingdom leh United States of America-te a ni.

Keini Mizoram atanga kalte hi India ram hminga min dawngsawng lovin, *Presbyterian Church of India*, Mizoram Synod hmingin min zia lut a. Programme buah pawh chutiang chuan kan hming a lo chuang sa vek a. Hemi ni July ni 1 vek hian Orientation,



Group discussion leh sharing-te kan nei nghal a. Heta kan awm lai hian ni tin programme dang bakah Morning Devotion leh Evening Devotion kan nei ziah a. ILT 2015-a kan thupui chu 'Pacunu (Behold)! The sign of Grace' tih a ni. July ni 2 hian Sign of Grace chungchang Prof. Dr. Stephen Lakkis-a'n a sawi a, zawhna leh chhanna hunte hman a ni bawk a. Zaia Pathian fakna hun kan hmang tam hle bawk. Chawhnu lamah group hrang hrangah inthen darhin, games hmanga intihhlamna hun kan hmang a, Mizote chu gari inkhalh-siakah kan che tha hle a, kan awmna group theuhten min ngaisang khawp mai.

July ni 3 hian Presbyterian Church, Taiwan General Assembly Office kan tlawh a, Taiwan Presbyterian Kohhran chanchin leh kalphungte min lo hrilh a. Mizoram Synod leh

KTP chanchinte hrilh vein, thilpek kan hlan bawk. July ni 4 atang hi chuan group hrang hranga inthen darh lehin hmun hlan hlanah kan kal hrang ta a. Hetah hi chuan ILT group ni lovin keini chu EYEP group hmingin kan chhuak tawh a, keini Mizo pali leh Taiwan nula pahnih group khatah kan awm a. July ni 4-15, 2015 chhung hian Taiwan ram kan fang kual a, khawpui hrang hrang paruk – Taitung, Pingtung, Kaosiung, Tainan, Chiayi leh Nantou-te kan tlawh a. Kan zin kualnaa kan thiltih zawng zawng chip-chiar tak chuan kan sawi vek seng lo vang a, heng kan hmun tlawhah hian kohhran hrang hrangah kan inkhawm thin a, group zai te kan nei a, Youth Summer Camp te kan tlawh a, Youth Bible Study leh games-ah te kan tel a, beach-ah thil tifaian kan hnatlang bawk a ni. Kristian ram a ni lo bawk a, kohhran pakhatath



member an tam vak ngai lo va, kohhran pakhat member tam deuh bernaah member 400 vel an awm a, member 20 vel lek awmna te pawh an awmin an sawi.

Kohhran tin hi Pastor pakhat zelin an enkawl a, Mizoram nena kan tih dan inang lo langsar deuh chu – biak inah Pastor lovin thu an hril ve ngai lo. Chu bakah, pianist reng reng hi biak in



kan tlawh hovah chuan nula tleirawl lam vek an ni. Mizorama kan neih ve loh langsar leh chu – Tainan khuaah hian 'Sign Language Church' kan tlawh a, hei hi tawngtheilote tan bika siam kohhran a ni.

July ni 16, 2015-ah Nantou-ah William Sia Memorial Camp, Presbyterian Kohhran hmunah ILT programme-a group dangte nen khan kan inhmu khawm leh a, hetah

hian inkhawm pangngai bakah kan kalna hmun hrang hranga kan thiltithe sharing te kan nei a, July ni 17 zanah Culture Night leh ILT Farewell kan nei a. Mahni ram culture tilang thei zai leh lamte kan entir deuh ber hlawm a, keini pawhin Chheih Lam Mizo thuam nen kan entir a, 'Tho La, Eng Rawh' tih hla kan sa bawk a ni.

July 18, 2015-ah ILT programme a telte zawng zawng chu mahni ram lama haw turin kan inthen hrang ta a, vanramah lo chuan inhmu leh tawh miah lo tur kan tam zawka rinawm. Tichuan, keini chu Taipei-ah July ni 19–20, 2015 chung kan awm leh a, Presbyterian Church Taiwan, General Assembly Office-ah Taiwan thalai hruaitute nen kan hun hman thlir letna leh ILT leh EYEP-a Taiwan leh CKTP thawh dun zel dan tura rawtna kan neihte kan sawi ho va. July ni 21 khan kham lo tak leh Pathian hruaina dawng chung zelin kanrawn haw leh ta a ni.

.....

NEICCYA CONFERENCE-AH KA TEL VE A

– Vanlalmawia Chhungthang
Secretary
Sihfa Bial KṯP

North East India Christian Council Youth Assembly 16th Biennial Conference, Salvation Army Youth, India Eastern Territory, Aizawl Temple-in a thlen, May ni 15-17, 2015 hmanṯ turin Central KṯP-in Sihfa Pastor Bial KṯP-te Palai tir ve turin min ruat hlahu mai a. Bial KṯP Committee-in Bial aiawha kal turin min ruat a, ka lawm hle rualin ka huphurh ru hle mai a. North East India huap a nih dawn avangin a huam pawh a zau hle a ni tih ka hre thiam nghal mai a. CKṯP-in palai kal tur a duh dan te ka hre chianṯ hle bawṯ a.

Conference kan han hmanṯ a, Lalpa kutah ka inhlan a. Lalpan a hun takah ‘finna’ Thlarau Thianghlim aṯangin min neihtir zel a. Mosia hnena, “I sawi tur a piang chu ka hriattir zel ang che,” titu Lalpa kan Pathian chu ka hnenah eng tik lai pawhin a awm zel a, ka va lawm tak em! Khawi hmunah pawh min hruaitu atan kan

Pathian hi a ṯhain a va hlu em! Min hruaitu atan amah chauh hi i sawm ṯhin ang u, rin tlak, belh tlak Pathian a ni.

Conference hlim takin kan hmanṯ takzet a ni. Kan conference chhunga ka rilru khawih deuh deuh leh ka vei zual deuhte han tar lang ve ila.

1. NEICCYA Conference-ah hian

Sihfa Pastor Bial kan nih hnuah hian KṯP te hi NEICCYA leh (PYF huam tel ila) Conference-ah hian kan bial aiawh hian panga/vawṯ nga kan kalna a ni a. Heng conference-ah hian CKṯP-a kan hruaituten Bial aiawh, a inchhawkin rualkhai takin palai tur an ruat ṯhin a ni tih a lang chianṯ hle a. CKṯP-a kan hruaitute hm athlir dan leh ruahman dan hi a fakawm hle a ni. Thlei bik nei hauh lova Bial tin kan inkal chhawka, thingtlang kilkhawr tak tak aṯangtein, heng conference hlu taka kan tel thei ṯhin hi a va lawmawm ṯhin tak em!

2. NEICCYA Conference-ah CKṯP

NEICCYA Conference-ah hian CKṯP hi kan mikhual deuh em, ka ti a. Synod dang aṯang leh unit dang aṯanga palai kal ṯhinte hi conference apiang

deuhthawin a kal ngai an intir
 ṭhin a nih pawh a rinawm. CKṬP
 aṭang chuan conference a lo
 thlen leh meuh chuan kan
 hruaitute mai ni lo, Bial thleng
 pawhin hruaitu thar kan lo awm
 hman mai ni lovin Bial kan inkal
 chhawk ang bawkin palai kal
 pawh Bial tin aṭangin kan
 inchhawk ṭhin niin a lang a.
 Mahse, mikhual deuh mah ila,
 la inhre ngai lote, ṭawng inhre
 vek loten Lalpa kan fak ho
 erawh a ropui hle a ni.

3. A huam a zau ṭha

Ka lo ngaih ve dan aṭang
 mai chuan North East huam
 chhunga Synod tin aṭangin
 ṭhalai chin kan kal khawm mai
 tura ngaihna ka lo nei ve mai a,
 chuti a nih rual chuan huam zau
 tak, Presbyterian Kohhran mai
 ni lo, kohhran hrang hrang
 bakah World Vision leh TBZ-te
 pawh an lo tel ve a. Synod dang
 aṭang a an huam chhung leh unit
 dang aṭang pawhin kan hriat
 ngai loh tel kan tam hle mai te
 khan a huam zauzia a tilang
 chiangin, NEICCYA kan hriat
 chian phah hle mai a, a ropui hle
 a ni. NEICCYA hi North East
 India huam chhunga Kristiante
 min khai khawmtu pawimawh
 tak a ni a, kohhrante pawh
 thinlung takin hruaitute leh
 NEICCYA tan hian kan

ṭawngṭai ṭhin a pawimawh hle
 a ni.

4. Pathianni kan serh dan hi

Conference tawp zan kan
 han thleng a, Biak In (Temple)-
 ah khat tlatin solo, zaipawl leh
 sermon ropui takte kan ngaih-
 thlak ṭhup laiin, ṭhenkhat chu
 mahn khaw lam pan turin kan
 bag khaiin motor-ah kan lawn
 mek hlawm bawk a. Kan rin
 hmun khat, Pathianni (Sunday)
 kan serh dan erawh a inang lo
 deuh kha chuan ngaihtuah a
 tithui angreng hle mai. Mizoram
 Synod hnuaia kan kohhranten
 Pathianni kan serh dan hi a lo va
 ṭha em! A Pathian thu takzet a
 ni. Loh theih lohna avanga haw
 ngaite pawhin zan dar 12:00 hnu
 lam kan nghak ṭang ṭang ṭhin te
 hi chhunzawm zel ila. Chu mai
 ni lovin, inkhawmpui/confe-
 rence/zin haw nan KṬP
 member-te hian zing khaw var
 hun hi nghak hram hram ṭhin ila
 a va ṭha lehzual dawn em!
 Khawi hmunah pawh
 inkhawmpui kal nan, haw nan
 Pathianni hi chu i hman ve lo
 vang u.

5. Budget chungchang

CKṬP-a kan kalphung nen
 chuan a dang hlein ka hria a.
 KṬP-ah chuan Bial/Central
 Budget, conference zawh veleh

pe hmasaa ñan kan tum ðhin a, a lawmawm hle. NEICCYA-ah chuan conference thleng pawha budget la pe lo, conference kal leh hun atan budget pek mai tum te pawh kan awm hmel hle mai. Hei hi pawl kalphung a ni chiah em? Ngaihtuah zui a va ðul em! Pawl min tichaktu leh min khai khawmtu pawimawh tak pakhat chu mawhphurhna kan hlen ðheuh hi a ni a. Kohhrante pawh hian sum hi kan rawngbawlnaah hian kan mamawh lian tak zingah a tel tlat. Hei hi Lalpan a rawng-bawlnaah hian a mamawh tel tlat a ni.

6. Programme chungchang

Conference ñan zan aţangin programme kan dawng vek a. Kan programme-a a lan dan aţang kha chuan conference pangngai tak a ni a. Pawl kalphung ve reng a ni nge ni, programme-a lang lo zeh tel a tam a, hei hian inkhawm pawh a tirei angreng hle ðhin mai. Inkhawm ñan hun pawh sawn a ngaih phah hial mai. Programme-a lang lo zeh tel a tam avang khan mipui lamin Pathian chibai kan bukna/kan pawlnaah kan ngaihtuahna a tibuai deuh em aw, a tih theih.

Tlangkawmna

NEICCYA-ah hian unit 45 lai kan awm a, unit 25 erawh an kal thei lo va. Unit kal aiin kal lo kan tam zawk kha a pawl hle. An kal loh chhan tal pawh hriat a ni lo khan ngaihtuahna a tithui hle. Hetih rual erawh chuan a kalten hlim takin conference kan hmang thei a. A tawp zana thlengtu kohhran Chairman-in Mizo ðawng ngeia kan sak ho turin lengkhawm hla, KHB no. 45-na a thlan kan sa kha hnam dangten, Mizoten Pathian kan faka, kan chawimawi dan leh kan rama harhna thleng meka Pathian Thlarau Thianghlim hnathawh dan an hmu thei kha a lawmawm hle a ni. NEICCYA Conference-ah hian mahni hnam ðawng ðheuhva zai mai lovin, kan inkhai rual theihna ber Sap ðawnga a huhova Pathian faka kan zai ho tuar tuar mai kha a ropui ka ti takzet a ni.

Kohhran hrang hrangin biak in kan hman dan a inang lo hle mai a, a hun milin an inhawng zau nge ka hre chiah lo nain, Presbyterian Kohhranin biak in kan hman dan hi a ðhatzia leh a zahawmzia min hriat zualtir hle bawh a ni.

TU NGE KA KAWPPUI AWM MI CHU? (Gen 2:18-25)

– Upa Lalhriata –
Jubili, Mission Vengthlang.



Pathian chuan Eden huanah khan mipa amah chauhva awm chu tha ti lovin a kawppui awm mi a lo siamsak daih tawh a. Adama chauh kha kawppui tur mamawh niin hria ni sela chu hmeichhe siam a bansan daih tawh ang a, mipa hlir siam chhunzawmin, a hlangin kan vei suau suau tawh ngei ang. Mahse, tun thleng hian mipa amah chauhva awm chu tha ti lovin a kawppui awm mi a la siam belh ta zel chu a nih hi.

Mipa chu a kawppui awm mi hmeichhe lamah hîp behin a awm a, chutiang bawkin hmeichhia pawh mipa lamah. A mak khawp mai, mipa chu hmeichhe tel lovin a khua a har tlat a; chutiang bawkin hmeichhia pawh a ni ve tho. Hei hi sual hnathawh a ni lo

va, a inngahna chu Pathian a ni zawk. Ngaihzaung neiha kawppui zawn hi a zahthlâk loh va; harsatna bik emaw, zeî loh lutuk vang emaw ni si lova kawppui zawn ngaihsak rêng rêng lote hi nungchang tha, lêrh lo kan ti dawn nge, Pathian remruat zâwm tha peih lo kan ti zâwk dawn? Mahse, Pathian ramri kham pêl zâna Setana'n he inhîpna a tihpunsak thin erawh hi chu a pawî a ni! A thenin kan mualphopui a, a thenite phei chuan kan thihchilh rap mai thin a nih hmel e. A zia lo hle mai.

Thenkhat lahin mahni mipat hmeichhiatpuite (same sex) zingah kawppui awm mi an lo zawn hmu ve mêk bawk a. Heng mite hi mi â nileng chu an ni bik lo. Pathian pawî an sawi a ni tih te pawh an hre phâkin a rinawm hle. Ram tam takin chutiang tih phalna 'dan' chu an lo siam vei râwl nen. Khawvel tak hi chu aw! Mipa kawppui tûra Pathianin a siam chu hmeichhia hi a ni asin maw le.

Hmeichhia leh mipate hi inkawp tûra siam ni mah ila, mipa tawh phawt chu emaw,

hmeichhia tawh phawt chu emaw kawppui atan kan duh ringawt lem lo. Duh zâwnng bik chu kan nei a ni. Kohhran zirtirnaah phei chuan Kristian chhungkua din turin Pathian râwn chung a uluk taka tih ngai niin kan hria a, kan fimkhur hle ðhin a nih hi.

Hei erawh hria ila: Pathian min ruatsak ngei kawppui tur zawng mah ila, kan duhthusam, kawng tinrenga sawisel bo chu kan hmu lo vang; chutiang chu mihring zingah an awm lo. Kawppui tur kan duhtui lutuk vang nge ni, lêngtûl kan awm fo mai. Keini ngei pawh hi mi duhthusam kan tling zo vek bik lo thei, tih hriat tel ve a ðha hle.

Tunlai hian mahni vênga kan mi hriat chian deuhthe iaiin, vêng danga mi, an chhiat an ðhat kan hriat vak lohte hi kan hmu ðha duh deuh nge ni, vêng danga mi nena innei hi kan tam hmel riau hian ka hre ðhin. A ðha e. Mahse, lungawi taka kawppui tura kan thlan, vêng dang mi kha a chanchin hre Chiangtu an vênga mite chuan an ît êm êm lêm loh kha a lo ni reng thei tih te hi ngaihtuah tel a

ðha ve viau. Kan hriat chian sate aia hriat chian lohte ðha zâwka rin ringawt hi 'rin sual palh' chu a awm thei ve ngei ang le.

Pathian min pêk ngei chu hre thei tûrin AMAH chu hnaih a pawimawh. "Lalpa, ka kawppui tur min pe teh, he mi hi erawh ni lovin, saw mi zâwk saw ni thei se. He mi hi zawng a châwn a lian lutuk! Duh aiin a hâng! A thinchhe lutuk deuhvin ka ring! Saw mi saw'n hna a nei ðha zawk, adt.," tia duhthlan nei sa rân tan chuan Pathian aw hriat fiah a har dawn a. 'A sum ngah ngah hmelðha' an nih tlat lahin Pathian tan puih kan harsa duh hle dawn bawk a ni.

Bawk ana, tunlaiah inti-changkâng, ei leh in duhtui tak, thawh chhuah nei mang si lo tân chuan sum ngah hi an hlu êm bawk a ni. Incheina changkâng apiang duh ve, nu leh pate duatna hnuaia awm no ðhang, awmpuite ring tlat, buh thlei takngial pawh thiam tum lo, zing thawh nachâng hre lo, thuum chhawm zinga 'zing dar riat' chhawm tel tur mi tan chuan chhungkaw pachhe tak ina lawi luh chu

huphurhawm deuh asin.
 Chutiang mi tâwnah chuan
 sum ngah lo chu an hmêltha
 mawh hle dawn a ni. Hriat
 thiam chu an tûl khawp mai.
*(Dar ngaa ni a chhuah daih tawh
 laia dar riata tho zat zat thin
 chuan darkar thum zet a mut bo
 ziah tihna a ni a. Thalai singkhat
 chuan darkar singthum, thla
 khatah chuan darkar nuai kua,
 kum khatah pheh chuan...!
 Uiawm tham deuh asin!)*

Make up chi hrang hrang
 hmanga hmai plaster thiam
 tak maite hian mit an la duh
 phian mai thei. Make up kan
 sawisel a ni lo. Hmai original
 ringawt lên chhuahpui fo hi
 chu hrehawm ve deuh a nia!
 Mahse, a tâwk a fang hriat
 thiam a pawimawh hle.
 Maimitchhin lai pawha meng
 kuau emaw tih mai tura an
 han insâwngbâwl te hi chu
 mawipui lam aiin râpthlâk
 lamah te pawh a kal lek lek
 hian a hriat thin!

Pianpui ruangâm lah hi a
 inang lo khawp a. 1 Sam. 16:7-
 a, "A hmêlthat lam emaw, a
 sân lam emaw en suh..."
 (Lehlin thar) tih thu tuipuia
 zawm tum tlat mi kan tawng
 fuh hlauh a nih loh chuan

thenkhat tan hi chuan a mang-
 anthlâk lam deuh chu a ni.

"A zu in hi chu ka simtir
 thei lutuk ang," han tih ngawt
 te hi risk a sân hle. A tâwpah
 anmahni zâwkin tap chungin
 pasal neih an sim a tûl nge nge
 mai ang tih a hlauhawm
 khawp mai.

Chu lam chu duhtâwk ila.
 I kawppui âwm mi chu
 Lalpan a hria a, chu ngei chu
 pêk che pawh a duh tih
 ringhlel suh. Mahse, tha
 famkim a ni bik lo tih hre sa
 baw ang che. I rin aia a lo
 thinchhe deuh a nih pawhin,
 mi thinchhe deuh kawppui
 tlâkah Lalpan a ngai che tih
 hria la, i rawngbawlna tur a
 ni tih pawm mai rawh. A mize
 tha lo lai zawng zawng nen i
 neih tel vek tawh kha. I aia
 thinchhia in nei ta sela, chu
 mihring nunkhua chu a thim
 lutuk thei a, chhungkaw
 kehchia, mi nuih tiza mai
 mai tur an din phah thei a ni
 tih pawh hria ang che.

Pathian pêk ngei kawp-
 puia nei tih inhre Chiangte
 pawh hian tûk chhuak fuh loh
 tum hi an pumpelh kumkua
 thei reng bik lo tih chu kan

rinpui thei vekin ka ring. “Hei hi Lalpa min pêk a nih si chuan...” tia ngaihtuah awl tak a nih laiin, *“Lei mihring hi mi sual vek in nih avangin i duh ang thlapa tha famkim chu ka hmuhsak thei lo che a ni. A pawwi kharwp mai. Vantirhkoh zinga nupui/pasal han zawng lah chu tih chi a ni bawk si lo. Kharwvel nula tlangval zawng zawng hi, nang pawh telin, tu mah tha famkim in awm lo a ni. I tan hei aia tha hi ka hmu zo ngang lo a ni e. Nang pawh hi i kawppui tân i tha famkim bik lo asin. Chuti chung chuan lungawi taka a la pawm thei che hi lawm mai rawh. Vanah lo chuan tha famkim an awm lo,”* tih chu Pathian chhanna ni ngeiin a rinawm.

Tin, Pathianin a pêk che chu iai lehin, “Pakhat zâwk kha lo nei ta ila chu aw...” ti vung vung suh ang che. Pakhat zâwk pawh kha han chênpuoi tak tak la chuan i rin ang a ni chuang kher lo vang. A neitu pawh khan kawppui thlang fuh lo a lo inti ve hle tho mai thei asin! Nu pakhatin fiamthu titaka, “Kawppui tur hi thlang tha leh dawn ila,

mahni kawppuite thlang nawn leh chat duh hi an tam ang em le?” a tih pawh hian ngaihtuah a tithui viau mai. Mahse, mahni kawppuite kalsanin mi dang kawppui hlui kha va thlang pawh ni ila, a kawppui hmasa pawhin a duh tawh loh ve tho kha a ni dawn tihna a nia. Ho mai mai deuh asin!

Tichuan, a pawimawh ber chu hei hi a ni ta. Pathianin kawppui a pêk che nen chuan tha famkim lo chungin Kristian chhungkaw hlim tak in din thei a ni, Krista nen in tan dun tlat zêl phawt chuan. Chu aia hlu leh ropui chu sawi loh, chutiang tlukpui pawh chu khawvel hian a pe thei lo che a, a pe ngai lo kumkhua bawk ang che. I kawppui chu i ta a nih chen chiahin nang pawh i kawp-pui ta i ni ve tho va. Chu chu ‘innei’ awmzia chu a ni – neitu zâwk bik awm lo chu. Hlimna famkim hi chu e, kawppuiteah ni lovin, kawppui petu Lalpa-ah zâwk hian a nia a awm ni. Tichuan, i kawppui tur chu tu nge ni ta ang le?

KAN RAM HI ENGTIN ZEL?

– T. Lalrochanga
Lunglei Electric Veng

ihian ti ve leh phawng teh ang, kan ram hian, 'Thalai, khawvel danglam zung zungah pawh Krista avanga danglam ve lo leh, a tul huna Krista avanga danglam ngam a mamawh ta' niin a lang. Khawvel changkang zel leh thiamna leh finnain kan hriat ngai loh leh kan tawn ngai loh min daipui bawrh bawrhna khawvelah hian nang leh kei pawh kan duh emaw, duh lo emaw kan bang thei si lo va, kan rama thalaite kan nun heti hian i han thlir teh ang.

1. **Zalenna** : Mihringte hian zalenna hi kan mamawh tehmeuh mai. Zalen lo nun hahtlakzia leh hrehawmzia pawh kan Chiang tlang viauvin a lang a, chu zalenna chu sual a ni hauh lo. Mahse, kan hman dik loh chuan sual kawng zawhna hmanrua zalen tak a ni. Chu zalenna chu, khawvel changkanna leh finna hian a rawn keng tel ti ila kan sawi sual em lawng chu maw! Zalen kan duh a, kan

rilruah a lian em em a, zalen niin kan inhria a, chu chuan thununna hnuaia awm min peih lohtir a, kohhran leh khawtlang leh ramah hruaitute thuhnuiaia kun kan peih lo va, kohhran leh khawtlang nun than a thu ta tlat a. Zalenna kan duh lutukna lamah zalen lovah kan insiam than ta mek niin a lang ta. Hetiang hian kal zel ta ila, rei lo teah kan ram hi engtin nge a awm ang le?

2. **Mal tlat nun** : Mizote hi kan pipute atanga a huhova khawsaa, thiante leh thenawm khawvengte thlenga inngaina em em leh inpawl ho thin kan niin a hriat a. Kristian thurin lam kan en chuan, mihring hi mahni chauhva khawsa tura siam kan ni lo reng a; mahse, khawvel hian a nuamsa thei ang bera min dah a tum si a. Computer, TV, internet, etc. Inawmtleina tur kan va ngah ta em! Thian kan mamawh lo chu a ni lo, kan ngai tawh meuh lo niin a lang. Inthlakhlelhna a bo than mek a, kan inngaina lo tulh tulh bawh. Hei hian huho nun a tichhia a, pawl huapa hmalakna NGO leh kohhran nun thlengin a tichak lo va, a bikin inkhawm rei kan ti hma em em a, thusawi rei kan ngaithei ta lo. Kan inkhawm ve

chhunah pawh rilru khingbai takin, kan thinlung chu hruai penin a awm thin niin a lang. Hetiang zel hian kal ta ila, rei lo teah kan ram hi engtin nge a awm tak ang le?

3. Kan thupui ber chu sum : Fiamthua 'sum ngah ngah hmeltha!' an tih kha a dik ta em ni ang le? Chhût ngun a va ngai ta em! Hausak duh lo fa kan awm awm lo ve; mahse, chhungkaw nunin a chhiatpui khawpa hausak duh leh tum hi thil dik a ni ang em le? Lehkha kan zir a, eng nge kan tuina? Kan tuina lam aiin sum tamna lamin kan rilru a luah a, kan tui em em lohna lamah sum vangin kan kal a, kan tum angin kan hlawhtling leh hlei thei si lo va, nun beidawng, thil dang thiam nei si lo thalai kan pung tual tual niin i hre ve em? Thawk si lova hlawhtlin kan tum a. Pathian hnenah kan duh kan dil a, a chhanna kan duh anga kan hmuh loh a vangin, "Pathian a awm lo! Kristiante Pathian chu retheite inhnemna mai mai alawm!" ti kan va tam ta em! Hausak i duh chhan hi eng nge? Hausak i phu reng em? I inpek theih a ni em? Mahni nun inen ila, hetiang zel hian

kan ram hi kal ila, engtin nge kan awm ang le?

4. Induh tawkna : Khawvel hian a ken tel ni ve turah ka ngai ringawt mai a, a tute pawh hi kan induh tawk em em a! Kan nihna piah lamah awm kan tum vek a, hei hi chapo nun chu a ni. Lem kan chang a, ram dang nun kan chaw lut a, kan ngaihsante ang thei bera khawsak kan duh a, kan incheina, kan chetzia, kan sam, a tam lutuk, sawi sen a ni lo. Ni ve anga inngaihna kan nei a, a rethei ber thleng pawhin kan ching a, kan intihhmuh a, mahni inbumin lem kan chang tih kan hre si lo. Mahnia kan awm chinah kan rilru a na a, kan beidawng a, "Depression ka nei a," kan han ti ve leh ngawt a. Tam tak chuan mahni nun lak phah nan te kan hman phah a, a pawl em em a ni. Hetiang zel hian kal ta ila, kan ram hi mi dang vanga tluchhiaa boral a ni lo vang, nangmah vang ngei khan a ni ngei ang.

Sawi tur a va tam em! Ngun takin ngaihtuah ve teh. Kan ram hi i hmangaiha, Lalpa rawng-bawltu i nih chuan, siam that hun lai tak a niin i hre ve em? He kan Zoram leh a rawng i bawl thin Lalpa hi engtin nge ni zel ang le?

SUNNA**Pu Laltlanthanga**

Pu Laltlanthanga hi Upa C. Rochungnunga leh Pi Zahmingthangi-te fa 7 zinga upa ber niin March ni 26, 1977 khan Zohmun khuaah a lo piang a.

A chanchin tlangpui

Kum 1986-91' chhung khan Navodaya Vidyalyaya School, Thenzawlah (First Batch), Class VI-X a zir a. PU (Sc) chu Goot. Aizawl College atangin a zo va; UCC, Barapani, Shillong atangin B.Sc. a zo bawok.

Kum 2000-ah Vanlalchhuangi, Darlawn khua nen an innei a, tunah hian fanu 2 leh fapa 2 an nei a, a boral lai hian a fanu naupang ber chu thla 8 mi chauh a ni.

Pu Tlana hi mi hlim thei tak, thian kawm thiam tak leh a naute tan pawh u nih tling, chhungkaw inngahna a ni a. Nu leh pa thu awih tak leh mahni hnaa rinawm mi a ni.

KTP, Zohmun Branch-ah Leader leh Secretary-te a ni tawh a. Zohmun Kohhranah rawngbawlna pawimawh – Building Committee Treasurer, Auditor, Ruai Committee Treasurer, Thuhriltu chanvot a

chelh mek a. Sunday School Dept.-ah dept. hrang hrang zirtirtu leh Leader a ni tawh a, tunah hian Beginner Dept. Leader a ni mek. Kum 2005-ah Bial KTP OB-ah lut tanin a thih ni thleng hian khaihlak lovin Leader, Secretary chanvot a chelh a, Finance Secretary ni lai a ni. Bial Zaipawl member hlun a ni a, Hmarphei Presbytery KTP Meet Committee OB pawh a lo ni tawh bawok.

A nat dan

Kum 2014 August thla khan pumpui lama harsatna a neih chu Aizawlah doctor a inentir a. Test result atang chuan beisei loh takin chaw kawng cancer a ni tih hmuichhuah a ni a. Chemotherapy te lain theihtawpin a inenkatol a, a hriselna pawhin that lam pan zelin a hna, motor hmanga eizawna leh contract-te thawok chhunzawmin, rim taka hna a thawh laiin a natna avangin harsatna a tarok ta zeuh zeuh va. Aizawlah in-check-up tura a kal chu June ni 4 (Zirtawpni), 2015 zingah thisenin a luak a, Civil Hospital, Aizawlah admit a ni a. Taksa chau leh chak lo nei lova a rilru pawh a harh reng laiin, zan dar 10:15-ah a rawng a lo bawl thin Lalpa hnenah a lo chawol ta a ni.

A ruang hi Batongkawnah lak a ni a. Hemi zan vek hian Zohmun panpui a ni a, June ni 5 (Inrinni) chawhma dar 11-ah Zohmun thlenpuiin, chhun dar 2:00-ah in lamah Bialtu Pastor, Rev. Lalfakawma'n a vui a, thlanah Pro. Pastor Lalhunthara'n a vui liam ta a ni.



Tv. R. Vanlalpeka

Tv. R. Vanlalpeka hi Pu Dingliana leh Pi Thangzuali-te fa niin February ni 26, 1984-ah South Sabualah a lo piang a. A naupan tet aţangin naupang pawisawi lo leh mi inngaitlawm tak a ni a.

A chanchin tlangpui

Infiamna lam ngaina tak a ni a, S. Sabual Football Team tan khelin vawoi tam tak khawtlang tihming-thatu a lo ni tawh a ni. Branch YMA-ah pawh a phak ang tawkin a inhmang a, Executive Committee member a ni reng thin.

Kum 2005 aţangin Branch K P Committee-ah a lut tan a, Asst. Secretary, Secretary, Fin. Secretary mawhphurnate chelh tawhin, kohhranin a mawoh avanga music zir tura Aizawl lamah a awm avangin a nihna hi a chawlsan ta a ni. Kumin 2015 hian Branch Comt. member a ni mek bawk. Kum 2017 Branch K P Diamond Jubilee lawmna turah Document Sub-Committee Secretary a ni a, Music Sub-Committee Chairman leh Programme Sub-Committee member a ni mek bawk.

S. Sabual Kohhranin kum

2016-a centenary a lawmna turah Centenary Organizing Committee member ni mekin, Decoration Sub-Committee Secretary hna chelh mektu a ni bawk. Primary leh Junior Dept. Zirtirtu a ni tawh a. Kum 2014 aţangin Nilai thupui hawngtu a ni a, zai hruaitu (Keyboardist) a ni bawk a. Kohhran Light & Sound Committee member a ni mek bawk.

A nat dan

Kohhran Kelkang harhna chhim thawh hnihna (Ni 19-21.6.2015)-ah dam tha vak lo chungin a tel a, an lo haw leh aţangin khumbetin a na zui ta a. June ni 24, 2015 (Nilai) zan dar 10:00 velah Aizawl panpui a ni a, Synod Hospital, Durtlang ICU-ah dah luh nghal a ni a, a lung, chuap leh kalten hna a thawk mumal tawh lo a ni tih hriat a ni a, heta tang hian nikhua a hre lo zui ta a ni. Oxygen pek pawh duhkhawp lovin, ventilator vuahsak a ngai zui ta hial a ni.

A natna tawrh hi Chiang taka hriat a ni lo va. Doctor-ten tiham leh tuma theihtawp an chhuah chung pawhin ziaawm lam a pan thei lo va, hniam lam pan zelin June ni 27, 2015 (Inrinni) zan dar 11:25-ah rawng a lo bawlsak thin Lalpa hnenah min lo chawlsan ta a ni.

A tuk June ni 28, 2015-ah Bialtu Pastor, Rev. C. Lalthar-zuala'n vuiin, Kohhran Zaipawl leh Bial Zaipawltan sunna hla sain ui tak chungin kan thlah liam ta a ni.



K. Vanlalauva

Pu Auva hi Hauluaia Khiangte leh Rualchhingi Renthleite fa 7 zinga a naupang ber niin November 9, 1947-ah a piang a, a pian hma ni chiah hian a pain kum 40 chauh niin a thihsan.

February ni 1, 1975 khan H. Lalthanmawii d/o Thanseia, Tlungvel nen innein fa 4, mipa 2 leh hmeichhia 2 an nei.

A chanchin tlangpui

Kum 1955-ah Zuchhip Govt. Primary School-ah kum 8 mi vel a nih ațangin sikul a lut ʔan a. Nov. 1968-ah ram buai avangin sipaiin an man a, Dec. 29, 1969-ah Tejpur ațangin a lo chhuak a ni.

Kum 1970-ah Mizo High School, Madanrting, Shillong 7-ah Class X zir zawm lehin ʔha takin a pass a. PUC chu Commerce College, Shillong-ah a zo leh a; BA erawh chu PU College, Aizawl a zo thung a ni. Kum 1981-ah M.E., Aizawl Chanmariah B.Ed. a zir zo leh bawk.

Kohhran leh khawtlang rawng-bawlna ngai pawimawh mi tak a ni a. YMA lamah Secretary (Zuchhip Br.), Asst. Secretary (College Veng Br.) leh Secretary, Khaw Siam ʔha

Pawl, College Vengahte a lo ni tawh a ni.

Kohhran lamah puitling leh Naupang Sunday School zirtirtu hnate chelh tawhin, KṯP rawng-bawlna hrang hrang – Branch, Bial leh Central KṯP-ahte Committee member (1988-1990) leh Finance Secretary (1990-1992) mawh-phurhna a lo chelh tawh bawk a ni.

Sawrkhar hna hrang hrang a thawh hnuah kum 1990 ațang khan Circle Officer, ICDS (SWD) hna a thawk a, a thih thlengin he hna hi a chelh a ni.

A nat dan

Kum 2013 February thla ațangin phing chi bawm cancer vanga insawisel ʔanin, Amri Hospital, Kolkata-ah refer-in hlawhtling taka zai a ni a. ʔhat lam a pan mek nia a lan lain kum 2014 October vel ațang khan a insawisel leh ʔan a, NEIGHRIMS Hospital, Shillong-ah zai nawn leh a ni a. Vawi thum lai in-check-up-a a kal hnuin ʔhat lam a pan hlei thei lo va; Nazareth Hospital, Chaltlangah admit leh a ni a, thisen unit 30 chuang lai pek a nih hnu pawhin ʔhat lam a pan thei chuang lo va. July ni 14, 2015 zing dar 6:00 vel khan a thawh a hah avangin oxygen pek a ni a, a hnu lawk zing dar 6:40-ah chatuan ram min pansan ta a ni.

Hemi ni chawhnu dar 1:00-ah Bialtu Pastor, Rev. C. Lalbiakhluna'n vuiin, ui tak chungin thlah liam a ni ta a ni. A kalsan takte Pathianin vengin awmpui zel rawh se.



HRINGLANG TLÁNG

Pathian a hmu ta

Kum 14 liam taa thil thleng kha ka la hre reng mai. Chutih lai chuan Pathian thu zirna hmunah kan zir lai a ni a. Kum 14 hnu, ka zirna hmuna zirtirtu hna ka thawh laiin zirlai kan nih laia ka chanchin ziaakna file hlui ka keu va. Chutah chuan kan zir laia kan zirpui zinga mi, Tommy-a chanchin ziaakna ka keu fuh a, chu chuan Tommy-a chung a thil thleng kha mi tihrechhuak uar uar a; chuvangin, Tommy-a chanchin chu ka han sawi dawn a ni.

Tommy-a chu sam sei tak pial taka khuilh thin a ni a, a sam chuan inchi 3 velin a koki a thleng lo va; amah chu amaha ngaihdan hrang nei tlat mi a ni a. Tommy-a lakah chuan ngaihdan pakhat chiaah ka nei a, chu chu Tommy-a chu mi mak danglam tak a ni' tih chiaah hi a ni.

Tommy-a chu ka hmaa chona rawn chhuak hmasa ber mihring niin ka hria. Kei chu rinna chungchang zir lai ka ni a; Tommy-a erawh chuan rinna leh Pathian hmangaihna tihte chu a'n dah sang lo khawp mai a; mihringin Pathian hmangaihna leh khawngaihnhate hi a taka chan theih ni pawhin a ngai lo va.

Tum khat chu kan exam zawh hian awki sang tak hian, "Pathian hi zawn hmuh hun ka neih i ring em?" tiin min zawt ngawt pek a.

Kei lah chuan zep hni hne nei miah lo hian, "Ka ring lo tawp mai," tiin ka lo chhang a.

Ani chuan, "Chutiang chu i ngaih dan a nih ka ring reng a ni," a ti zui a.

Kal sawn a tum lai chuan kei chuan, "Pathian hi i zawng hmu ngai lo vang tih ka ring; mahse, amah zawkin a la hmu ang che," ka ti leh a. Tommy-a chuan ka thusawi chu ring lo tih hriat takin a koki a san a, a kal sawn ta a.

A hnu feah Tommy-a chuan a zirlai chu hlawhtling takin a zo tih ka hria a, ka lawmpui khawp mai. Tommy-a chanchin lawmawm tak ka hriat chu a chanchin lungchhiatthlak angreng takin a rawn zui a. Chu

chu – Tommy-a chuan cancer a vei tih a ni. Tommy-a tlawh chu ka tih tur niin ka hria a, ka tlawh thei lawk ta lo nghe nghe a; amah zawokin min rawn tlawh hmasa a. Ka pindanah a rawn lut a, a taksa chu ka rin ai daihin a chhe tawh a, chemo an khaina avangin a sam sei tak thin pawh kha a tla kawlh titih tawh a; a mitmeng chu a fiah tha hle a, a aw pawh a la fiah tha viau mai.

Kei chuan ka lo chibai a, “Tommy, ka ngaihtuah fo thin che asin. I damlo tih ka lo hria a...” ka ti a.

Ani chuan, “Ni ang chu maw le. Cancer ka vei pek alawm! Chawlhkâr fe a ni tawh nghe nghe asin,” tiin min chhang a.

Kei chuan pawk a tihzia ka hrilh a, “A nih leh thu sawipui theih mi i ni em?” ka ti zui a.

Ani chuan, “Tehreng mai. Eng thil nge i hriat duh a?” a lo ti mai a.

Kei chuan fiamthu awka titih hian, “Darkar 24 chauh dam tur ni ta la, eng nge i tih ang?” ka ti a.

Ani chuan fiamthu titih bawh hian, “Ka upat phah belh sawt mai thei. Nula ka chhah ang a, zu ka in vak ang chu le!” a ti a, a nui huk huk a. A nui hmel a tawp a, a lo kal chhan a sawi ta zawk a.

Tommy-a chuan, “I la hre reengin ka ring, kan exam zawh nia Pathian ka zawon hmuh theih i rin leh rin loh ka zawh chea, i rin loh thu leh, ‘Pathian zawokin a la hmu ang che,’ tia min chhan kha. Min chhanna kha ka ngaihtuah zui nasa khawp mai a, khatih lai khan ka thiam ang angin Pathian hi ka zawng a ni.

“Doctor-ten min zai a, ka cancer chuan ka taksaah thuk takin zung a kai tawh tih min hrilh hnu phei chuan nasa lehzualin Pathian ka zawng a, cancer natnatin ka taksa hmun hrang hrangah hlet a rawn chhuah hnu phei chuan vanram kawngka pawh han kik thuak thuakin a nia ka inhriat hial ni! Mahse, Pathian chu ka hmu zo chuang lo tawp mai a, chuti taka nasaa zawng si ka hlawhchham titih chu ka bei a dawng a, Pathian zawon leh thih hnu lam thil reng reng chu ka malmak ta vek a.

“Ka rilru ka siam a, ka tum ber ka hmuh zo ta lo bawk nen, cancer vang hian ka thi dawn a nih rau rau chuan, ka thih hmam thil tha ber nia ka hriat tih ka tum ta zawk a. I thusawi pakhat, ‘Hmangaihtu nei lova thih hi a lungchhiatthlak khawp ang. Kan hmangaihte kan hmangaih a ni tih hrilh hman lova thih hi a lungchhiatthlak lehzual ang,’ tia i sawi kha ka hre chhuak a.

"Tichuan ka huphurh ber, ka pa aţangin bul ţan ka tum ta a ni.

"Ka pa chu a ţhutthleng chuamah ţhuin kan varanda-ah chanchinbu a chhiar a, ka va pan a. 'Ka pa, eng emaw han sawi ka duh asin,' ka ti tawp mai a! Chu aia thluma bul ţan dan hre hek lo i!

"Ka pa chuan a chanchinbu chhiar lai chu a han tihniam hret a, min rawn melh a, 'I neih chuan han sawi ta che,' tiin min chhang a.

"Kei chuan, 'Ka pa, a pawimawh khatw asin,' ka ti leh a.

"Ka pa chuan a chanchinbu chhiarlai chu a bula chair-ah a dah a, 'Eng thil nge ni a?' a ti bul deuh hmuk a.

"Kei chuan, 'Ka pa, ka hmangaih che,' ka'n ti tawp mai a."

Tommy-a chuan a thusawi chu a taka a tawn lai a chhui kir a ni ngei ang, hla tak en ni hian a lang a. Amah vek chuan, "Ka pa chezia chu ka rin phak bak a ni a, ka theihnghilh tawh ngai lovin ka ring. Lawm tih hriat em emin a rawn ding chhuak a, min rawn pan a, min kuah vawng vawng mai a. Chumi aţang chuan ka pa nen kan ink  ra khi chat zau tak awm kumkhua chu dawh zawm a lo ni ta a. Chumi zan chuan thil dang kan ti thei lo, zankhuain kan titi a," a ti a, a ngawi det a.


"Ka nu leh ka unaupa lakah chuan a sam deuh," a ti leh a.

"Anni nen pawh ka pa ang bawk khan lawm avanga mittui tla chungin kan inkuah a, kum tam tak chhung thur  k kharkhip kan lo neih tawh chu phawrhin kan inhrilh tawn a. Chutiang taka in pawh thei ni si, chuti chen chen in pawh lo leh hmangaih thu pawh inhrilh tawn thei lova chhungkua kan lo inmihran chu paw   ka ti hnunhawh em em a; tunah ka thih dawn ruaiah chauh kan tharthawh chu a tlai ka ti lutuk deuh a ni. 'Engati nge hman hmanah khan ka chhungte hi ka hmangaih a ni tih ka lo hrilh loh, hlim taka awm ho thei tur kha rei tak kan lo inmihran a...' ka ti vawng vawng a.

"Tichuan, kan chhungkaw zingah chuan Pathian ka hmu ta a ni. Pathian chu ka zawn loh aţang chiah khan ka hmu ta a ni," a ti ta a.

Kei chuan, "Tommy, i thusawi chu a dik a ni. I thusawi aţanga lang Chiang tak chu – Pathian hi mahni bil tan chauhva kan zawn chhung chuan kan hlawhchham ang; mahse kan thinlunga hmangaihna inthup kan par chhuaht  r hunah chauh kan hmu thei ang, tih hi a dik a ni. Nang pawhin i tan bila i zawn lai khan i hmu thei lo va; mahse, hmangaihna i pek chhuah hnuah chauh i hmu ta reng a nih hi," ka lo ti a.

– John Powell, S.J., Loyola University



KANTU

Lengpui Model Branch

1. **A din ñan dan :** Kum 1996 September thlaah Lengpui Kohhran aţangin Airport lam hnaih veng, Model Veng huam chin chu Model Kohhran, Lengpui tih hming puin a indang a. A kum leh January 6, 1997-ah Kristian Thalai Pawl, Model Branch, Lengpui chu din ve nghal a ni a. A din kum hian member 70 vel an awm a ni. Tunah hian a kum 18-na hmel a hmu ve mek a ni.

2. **Inchhiarna lam :** Kum 2015-ah hian member 191 awmin, mipa 120 leh hmeichhia 71 an ni a. Branch Committee member hi Ex-officio leh Kohhran Representative-te nen 35 an ni bawk.

3. **Rawngbawlna lam :**

- i) Hengahte hian Sub-Committee an din ñhin:-
 - a) Evangelical, b) Property,
 - c) Programme, d) Banner &

Decoration, 5) Ushering.

ii) Branch tichak turin Group pathumah inñenin, group hmingah Bible-a zawlneite – Isaia, Jeremia leh Hosea-te hman a ni a. Rs. 12,000/- ñheuh budget tuk an ni bawk.

iii) Branch din ñan kum aţangin Pathianni tuk apiangin 'Exodus' tih chanchinbu an chhuah a. CKTP chanchinbu 'Kristian Thalai' hi copy 85 an la mek bawk.

iv) Branch hmingin missionary pathum an chawm mek a. Branch member aţangin missionary pakhat, Kohhran Upa pahnih leh Tual Upa pakhat an awm tawh bawk.

v) Thawhtan zan inkhawm hi sermon leh kum puan thupui zir nante an hman ñhin a. Pathianni tlai tin

Fellowship an nei thin bawk. Tin, thla khat chhungin vawi khat fellowship aiah member hlate inah feh chhuah hun an hmang thin. Hetiang hunah hian tawngtai rual leh Pathian thu inhrilhthein hun an hmang thin.

vi) A remchan dan angin work camp, Bial pawn tlawha zin chhuah, street preaching, tawngtai rammut, Bethel, Bible chhiar chhuah, Retreat/Group Night/Sports/Week/Kut/Solo Competition-te an nei bawk thin.

vii) 'Relief Fund' pual atan Branch Committee Member-te'n thla thar Committee Meeting apiangin pawisa remchan ang ang an keng khawm thin a; tin, thla thar KṯP inkhawm hmasa ber zana thilpekte chu dah thain kum tawpah mi harsate tanpui nan hman thin a ni.

viii) Kohhranin biak in thar sa tura hma a lak avangin kum tin building pualin sum thawh ve thin a ni a. Tunah hian Rs. 96,000/- vel K.ṯ.P. hminga pek ve a ni tawh.

ix) Zaipawl rawngbawlna pawh phak ang tawkin kalpui ve reng a ni a. Kohhran ni pawimawh leh hun bikah te, inkhawmpui nikhuaah te hla rem thin a ni.

x) KṯP member boral an awmin ralna neiin bungbel hlan thin a ni a. KṯP member biak in hawnga nupui pasal nei an awmin Kohhran Zaipawlin biak inah hla an rem thin a. Inneih lawmpuina citation leh Rs. 1,000/- hlan thin a ni bawk. Tin, K.ṯ.P. member ni tawh lo, kohhran member ni si, biak in hawnga nupui pasal nei an awm chuan zaipawlin hla an rem thin bawk. Board exam, master degree hmu thar leh competitive exam-a tlingte chawimawi thin an ni a. An pualin fellowship neihsakin lawmpuina thilpek hlan thin a bawk.

xi) Faith promise, group budget leh sum tuaka inhlawhte hi an sum hmuhna ber a ni bawk.

Keimahni



■ **VANZAU** : June 26-28, 2015 khan Vanzau Bial Leadership Training/Account Training neihpuiin Pu P.C. Biakmuanpuia leh Tv. Joseph Lalsangzuala-te an kal a. Inrinni chawhmaah Leadership Training neih a ni a, chawhnu lamah Tv. Joseph Lalsangzualan account training a neihpui. Training-ah hian mi 60 vel an tel thei. Pathianni chawhma inkhawmah Tv. Joseph Lalsangzualan thuchah a sawi a, chawhnu inkhawmah Pu P.C. Biakmuanpuian a sawi. Haw lamah Kelkang harhna an rawn chhim nghal bawk.

■ **KANHMUN** : July 4-5, 2015 khan Kanhmun Bial Leadership Training neihpuiin Dr. Lalliansanga (Asst. Secy.) leh Pu Zonunsanga Ralte-te an kal a. Inrinni nilengin training neih a ni a, chawhma lamah Pu Zonunsanga Raltein hun a hman a, chawhnu lamah Dr. Lalliansangan a hman; training-ah hian mi 26 an tel thei. Inrinni zan leh Pathianni zan inkhawmah Dr. Lalliansangan thuchah a sawi a, Pathianni chawhnuah Pu Zonunsanga Raltein a sawi.

■ **KHATLA NORTH** : July 5, 2015 (Pathianni) zan khan Khatla North Kohhran sawmna angin Leader, Rev. J. Lalremsiaman thuchah a sawi a, Synod Choir-in an tawiawm.

■ **KULIKAWN** : July 6, 2015 khan Kulikawn Branch-ah YRC Awareness Campaign hmanin Pu Samuel Laldinglana (Asst. Leader) leh Pu Lalchhuanlana-te an kal.

■ **SILCHAR** : July 10-12, 2015 khan Silchar Bial Meet hmanpuiin Dr. Julie Remsangpuii (Treasurer) leh Pu V. Lalrinmawia-te an kal a. Inrinni zan leh Pathianni chawhnu inkhawmah Dr. Julie Remsangpuiin thuchah a sawi a, Pathianni chawhmaah Pu V. Lalrinmawian a sawi bawk.

Pathianni tlaiah hian a thlengtu Silchar Branch KṮP chuan Meet hmangtu leh Mission Compound-a awm zawng zawngte tan ruai an buatsaih a ni.

■ **CACHAR KAHRAWT** : July 10-12, 2015 khan Leadership & Solfa Training hmanpuiin Cachar Kahrawtah Pu Samuel Laldinglana leh Pu K. Lalruatpuia-te an kal a. Zirtawp zanah Pu K. Lalruatpuian Solfa Training a pe a, Inrinniah nilengin Leadership training neih a ni a, chawhmaah 'Hruaitu nihna leh mawhphurhna' Pu K. Lalruatpuian a sawi a. chawhnuah 'Pawl inrelbawl dan leh committee kalphung' Pu Samuel Laldinglian a sawi thung. Training-ah hian mi 45 vel an tel thei a ni. Inrinni zanah Pu Samuel Laldinglian CKṮP rawngbawl na report leh YRC chungchang a sawi a. Pathianni chawhnu inkhawmah Pu K. Lalruatpuian thuchah sawiin zanah Pu Samuel Laldinglian thuchah a sawi. Tv. David Vanlalpeka (soloist), Mission Vengin a ṭawiawm a ni.

■ **KEIṬUM** : July 11-12, 2015 khan Keiṭum Bial Meet hmanpuiin Pu Zonunsanga Ralte leh Pu Lalchhuanliana-te an kal. Pathianni chawhma inkhawmah Pu Zonunsanga Raltein thuchah a sawi a, chawhnuah Pu Lallianmawia Tlau (Synod Choir Conductor)-in a sawi a, zan inkhawmah Pu Lalchhuanlian a sawi.

■ **SESAWNG** : July 18, 2015 khan Sesawng Bial Leadership Training neihpuiin T.Upa T. Lalawmpuia leh Pu Ngurhmingliana-te an kal a, T.Upa T. Lalawmpuia nu leh pa (Upa T. Lawmthanga te nupa)-in an ṭawiawm. Chawhma lamah T.Upa T. Lalawmpuiian hun a hmang a, chawhnu lamah Pu Ngurhminglian a hmang thung. Training-ah hian mi 65 vel an tel thei. Zan inkhawmah T.Upa T. Lalawmpuiian thuchah a sawi.

■ **EYEP/I LOVE TAIWAN** : Ecumenical Youth Exchange Programme/I Love Taiwan programme-a kalte – T.Upa R. Lalramnghaka (Finance Secy.), T.Upa Richard B. Lalhriatpuia (Com. Member), Lalduhpuia Sailo, Electric Veng leh Samuel Sailo, Ramhlun Venglaite chuan July 1, 2015-ah Aizawl

chhuahsanin Taiwan-ah tluang takin hun an han hman thei a. July 21 khan Taipei chhuahsanin July 22-ah dam takin Aizawl an lo thleng leh. Taiwan-a an cham chhungin ILT programme-ah telin Local Church Visit-ah kohhran hrang hrang 8 an tlawh a, hmun pawimawh hrang hrang tlawhin Taiwan an hel chhuak a ni.

■ **GEN. CONFERENCE 2016 ORGANIZING COMMITTEE LEH OB INKAWM :** July 20, 2015 tlai dar 3:30 khan KṯP Gen. Conference (2016) Organizing Committee member 11-te chuan Mizoram Chief Minister leh sawrkar hotute an dawr a. CKṯP Office-ah lo lengin CKṯP OB lo awm remchante nen an inkawm. CKṯP OB aṯangin Leader Rev. J. Lalremsiana, Asst. Leader Pu Samuel Laldingiana, Gen. Secretary Upa Zonunmawia leh Asst. Secretary Dr. Lalliansanga-te an tel thei a, hmalakna tlangpui an sawi ho. Leader Rev. J. Lalremsiaman Organizing Committee Chairman Rev. Lalparchhuana hnenah Conference thlengtu puihna Rs. 5,00,000/- (cheque) a hlan nghal a ni. Thlengtu puihna pek bang Rs. 5,00,000/- chu hun remchanga la hlan leh a ni ang.

■ **BAWNGKAWN CHHIM VENG BRANCH SUM THEH LUH :** KṯP, Bawngkawn Chhim Veng Branch chuan KṯP Kum Puan Film, 'Doctor Fanu' DVD an hralhna aṯangin Central KṯP-ah Rs. 10,000/- (cheng singkhat) an rawn theh lut.

■ **GEN. CONFERENCE 2014 HLA BU HRALH ZO :** KṯP General Conference 2014 Hla Bu, CKṯP Office-a awm ang ang chu hralh zawh a ni ta a, Synod Bookroom lam pawhin an hralh zo nia thu dawn a ni.

■ **YRC LUNGPHUM PHUM HUN :** Youth Recreation Centre (Falkland Veng) lungphum phum hun atan Synod Moderator leh Executive Secretary i/c KṯP-te hman theih hun tur thlirin October 13, 2015 (3:00 p.m.) ruat fel a ni.

■ **KRISTIAN ṬHALAI :** Kristian Ṭhalai chanchinbu kumin (2015) chhunga lakna man la pe lo Branch eng emaw zat kan la awm a. La pe lo chuan pek thuai i tum tlang teh ang u.

SYNOD CHOIR RAWNGBAWLNA

1. **RAMHLUN EAST** : June 26, 2015 (Zirtawpni) khan Ramhlun East Kohhran Biak Inah an rawngbawlpui Nancy Zothanmawii te inneih inkhawmah an zai a, tum 1 dinah hla 1 an rem.
2. **ZARKAWT** : June 28, 2015 (Pathianni) zan khan Synod Revival Meet vaw 4-na, Zarkawt Kohhran Biak Inah zaiin tum 1 dinah hla 2 an rem.
3. **KHATLA NORTH** : July 5, 2015 (Pathianni) zanah CKTP Leader Rev. J. Lalremsiamia tawiaawmin Khatla North Kohhran Biak Inah vaw 2 dinah hla 4 an rem.
4. **THAKTHING VENG** : July 6, 2015 (Thawhtan) zanah Thakthing Veng Branch KTP Zaipaw Night an hmanpui a, vaw 3 dinah hla 6 an rem.
5. **KEITUM** : July 11-12, 2015 khan Keitum Bial KTP Musical Meet hmanpuiin tum 4 dinah hla 7 an rem.
6. **LUNGDAI** : July 19, 2015 (Pathianni) khan Lungdai Kohhran Biak Inah Sakawrhmuituai Presbytery KTP Meet vaw 1-na hmanpuiin tum 3 dinah hla 7 an rem.
7. **REPUBLIC VENG** : July 20, 2015 (Thawhtan) khan KTP, Republic Veng Branch inkhawmah hun hmangin tum 3 dinah hla 7 an rem.
8. **RAMTHAR NORTH** : July 27, 2015 (Thawhtan) zan khan KTP, Ramthar North Zaipaw Night-ah hun hmangin vaw 3 din chhuahah hla 7 an rem. Asst. Leader Pu Samuel Laldinglana leh Taiwanese mikhuah 3-te pawh an tel.

CENTRAL K.Ŧ.P. HRUAITUTE, 2014-2016

Office Bearers

Leader	:	Rev. J. Lalremsiamia	9862669230
Asst. Secretary	:	Pu Samuel Laldinglana	9436198740
Gen. Secretary	:	Upa Zonunmawia	9436152024
Asst. Secretary	:	Dr. Lalliansanga	9612241873
Treasurer	:	Dr. Julie Remsangpuii	9436142235
Fin. Secretary	:	T.Upa R. Lalramnghaka	9436351374

Committee Members

Pu R. Lalruatkima	9436360571	T.Upa Richard B. Lalhriatpua	8974287347
Pu C. Laldinglana	9436140834	Upa K. Rorelkima	9436153444
T.Upa Lalthangvunga Sailo	9862381275	Pu V. Lalrinmawia	9436153286
T.Upa T. Lalawmpuia	9436366519	Pu Ngurhminglana	9436374104
Tv. Joseph Lalsangzuala	9436152063	Pu Vanlalpeka	9436153728
Pu Lalchhuanlana	9862364583	Pu K. Lalruatpua	9862577177
Pu P.C. Biakmuanpua	9436374833	Pu Zonunsanga Ralte	9402113038
T.Upa Lalmuanpua	9436142398		

Ex-Officio Members

Rev. Lalrinmawia	-	Synod Moderator
Rev. B. Sangthanga	-	Synod Secretary (Sr.)
Rev. P.C. Pachhunga	-	Executive Secretary, i/c KTP



Vanzau Bial Leadership Training Account Training June 26-28, 2015



Kanhmun Bial Leadership Training July 4-5, 2015



Silchar Bial Meet July 10-12, 2015



Kantu : Lengpui Model Branch



Kum 2006 Mizoram Revival Centenary hriatreng nana Sihfa Bial KTP te siam Kraws (Tamdil tlawhtuten tawngtaina hmun atana an hman thin)



YRC hmun laih mek chu ruahsur avanga hun eng emaw chen chawlsan a nih hnuin August 5, 2015 atang khan laih chhunzawm a ni leh ta. Excavator lian 1 leh JCB 2 in lain Tripper 5 leh LPK 11 ten an an paih thin.

Postal Regn. no. MZR/81/2015-2017
RNI No. MIZMIZ/2009/29074



Cachar Kahrawt Leadership & Solfa Training July 10-12, 2015



Keitum Bial Meet July 11-12, 2015



Sesawng Bial Leadership Training July 18, 2015

Printed & Published by Zonunmawia, Synod Office, Mission Veng on behalf of Kristian Thalai Fellowship
Edited by Lalmuanpuia and printed at Synod Press, Mission Veng, Aizawl, Mizoram, Copies - 40,000